

Sulev Iva (Võro instituut, Tartu ülikool): Võro Vikipeediä, keeleopminõ ja (sotsiaal)meediä

Umakeeline Vikipeediä olõ-õi väikeisi kiili jaos mitte õnnõ ainugõnõ umakeeline entsüklopeediä, a ka pall'o muud. Näütüses um Vikipeediäst kujonug üts tähtsämbit keele digitaalsõ elojovvu näütäjit ni maailma kiili umavaihõl sõbraligu võikõlõmisõ ja võrdõlõmisõ keskkund. Nii võro ku pall'odõ tõisi maailma vähämbide kiili jaos om Vikipeediä ülepää kõgõ suurõmb umakeeline võrgolehistü ja põhilinõ teedüsläteq väikust keelest kõgõlõ ilmalõ teedäqandmisõs. Teno umakeelidse teksti suurõlõ hulgalõ ja hääle kvaliteedile um Vikipeediä tähtsä läteq umakeelitside tekstikorpuisi luumisõs nii keeleuufõmisõs ku umakeelidse keeleteknoloogia luumisõs. Päält tuu saa Vikipeediät häste pruukiq keele opmisõs ja harõtamisõs ni (sotsiaal)meediäh umakeelitside sõnomidõ, postituisi ja kommõntaarõ tävvendämises ja kõütvämbäs muutmisõs. Ni muidoki pakk Vikipeediä tõõlidsõlõ keeleentusiastilõ, kel ka vapa aigo johus olõma, lõpmalda võimaluisi uma keele arõndamisõs ja kõgõ ilma umma väikuhe kiilde ümbrepandmisõs nii, et tuu egäleütele ka õkva ja vabalt kätte saiaq um.